

## نفسیاتی جنگ ء آئی ء ارزشت

نہشتہ کار: سچکان بلوچ

پجاری تران:

دگنیا ء بند پتر جنگی کسماں سرچکار انت۔ ہر ہماراں کہ مروچی آجو ء آسودگ انت آھاں وڑے نہ وڑے، رنگے نہ رنگے ء لازم جنگے دیم دا شنگ ء چہ جنگ ء باج بُرتگ ء وتی آجونی کپتگ۔ جنگ بگندے کُشگ ء یاہ اٹھنگ ء ارزاں بہ بیت ء جنگی کتہ بگندے مردم ء لڑت بہ دینت بلے جنگ وتی اندر ء سکیں بے رھمیں ء دردناکیں چیزے، تباہی ء دومی نام جنگ انت کہ ہر وشی ء آسودگی، مہر ء ابھنی ء پچ گپت، کھولاں بگرداں راجانی ننگ ء ناموس، دود ء دومانان ہم تباہ کنت ء ہر شے ء چہ زبھر کنت، بلے وھدے کہ راجی گلامی ء ہلاپ ء گمگیری کن ءے گڑا الم یکر وچے زند آسودگی ء آجونی ء مانرمان بوت کنت بلے شرت بہ کول ء بسمل ہمیش انت:

جنگ وھدے سر ء کپت پُشت ء مہ کنز

ناگھاں دژ من ء تیر پُشت ء بہ لگیت شگانی بہ بے

سر ء کپتگیں جنگ ء آسر پُشت کنز نہ بوگ ء آئی ء دیم ء مھمی ء او شنگ ء باج برگ انت۔ دنیا کہ مرچی سیاسی معاشی ء تاکتانی ہساب ء سک دیم ء شنگ ہمے دیر و نیانی سوب ء جنگی چست ء ایرانی رھبند ء کارڈول مٹ بوتگ انت۔ گڑا الم ہمیش انت کہ پہ مرچیگیں جنگانی باج برگ ء انجیں جنگی رھبند کار مرزگی انت کہ آجدیدیں دنیا ء تاکتانی گر ء دار ء کت بہ کن انت۔ ماہستیں زمانگ ء جنگاں کہ گیشتر وان ایں گڑا اود ء مارا نفسیاتی جنگانی مز نیں ارزشتے گندگ کیت، نفسیاتی جنگ ہمیشکہ پُرا ارزشت انت کہ آدژ من ء گیشتر آزدگ ء بے وار کت کنت ء آئی ء گیش بر کنت۔ ہمے ستر بری دژ من ء پر و ش ء بے سوبی ء مانرمان بوت کنت پر چاکہ آوتی دیم ء تاکت ء بستار ء پجارات نہ کنت۔ اے وڑیں ساھتاں وھدے زور گیر نفسیاتی جنگ ء شور بند یانی آماج بیت گڑا گمگیری ء ہلاپ ء جوانیں شور بندی جوڑ کت نہ کنت بلکیں اے وڑیں ساھتاں تنہا پرائی ء پہ Aggressions ء ابید دگہ ہچ وڑیں پُشت نہ کپیت۔

مرچیگیں دگنیا ء ہر کجا کہ جنگے جنزگ ء انت، آتری پہ راجی آجونی ء بہ بنت، مز ہی جنگ بہ بنت یا کہ دگہ مکدے ء بوگ ء انت۔ آسر جم ء نفسیاتی جنگ ء درو شم ء انت۔ چیا کہ سر زاہری تاگت دژ من ء انچو پر و ش دات نہ کنت انچو کہ نفسیاتی جنگ اش کنت۔

نفسیاتی جنگ نہ ایوک ء دژ من ء جسدی پر وش دنت بلکیں دژ من ء سرجی ء نفسیاتی کنت، ہمیشہ نفسیاتی جنگ ہیال ء لیکنانی جنگ زانگ  
بیت۔

بند پتری چشتانک :

نفسیاتی جنگانی جتاجتائیں ر ہند بنت ء و ہد ء ہمراہی ء ایشی ء دروشم ہم مٹ ء بدل بو ان آنت۔ اگاں ما دگنیاء بند پتری ء اولی جہانی  
جنگ ء چہ پیشتر ء جنگاں بچاراں گڑا آو ہداں نفسیاتی جنگانی کار ء ر ہند جتا بوتگ آنت ء انوگیں تیز گامیں و ہد ء نوک نوکیں ء گیش مہم  
تریں نفسیاتی جنگی راہ ء ر ہند دیم ء انگ آنت۔ بلے اسل گپ ء ہمگو تگیں ہیال ایش انت کہ زیک ہم نفسیاتی جنگ بوتگ ء مروچی ہم  
بوگ ء انت۔

اگاں ما بوتگیں جنگاں بچاراں گڑا اود ء ہم مارا نفسیاتی جنگ گندگ ء کیت انت۔ 525 چہ مہتر عیسی ء پیش ء  
Pelusium جنگ بیت گڑا اے جنگ Persian Empire ء ancient Egypt ء میان ء بوتگ، اے جنگ ء  
و ہد ء Persian Empire پٹی کار مرکزنت پہ Egyptians ء نفسیاتی پر وش دیگ ء پرچاکہ Egyptian لہنتیں  
مزہبی سنگانی سوب ء پیش ء نہ کش آنت ء تاوان نہ دینت۔ ایشی برانت ہمیش انت کہ انچو دژ من ء نفسیات ء سر ء ارش کنت کہ آوت  
پشت کنگز ء لاچار بہ بیت۔ ہمے داب ء Alexander the great ہم وتی زمانگ ء نفسیاتی جنگ ء وتی سیت ء نہانی گرگ،  
ساہیگ تیار کنگ ء وتی نیمگ ء آرگ ء کار مرکزنت۔

Alexander the great اے زمانگ ء Europe ء middle east ء گیشتریں بھراں وتی چیر دست کنت ء ہر  
جاگہ ء کہ وتی قبضہ ء چیر دست کنت گڑا اود ء وتی لہنتیں مردم پشت گنج ایت دانکہ آھود ء جاہمننداں گوں سانگ ء سور بہ کن آنت ء وتی  
دود ء وتی نفسیات ء تب ء اود ء لس مردمانی سر ء بہ مش آنت۔

دیمتر ء اگاں ما Genghis Khan ء زمانگ ء بچاراں گڑا اود ء ہم مارا نفسیاتی جنگ گندگ ء کیت، Genghis  
Khan سینزدھی کرن ء Mongolian Empire ء ر ہشونے بیت۔ اے دژ من ء دیم ء مہمکی پیش دارگ ء وتی لشکری کچ  
ء کساس ء مزان پیش داریت چوشکہ شپ ء لشکر کشی ء میان ء آوتی جنگولاں مہم دنت کہ ہر یکے سے طارچ بہ زوریت روک بہ کنت دانکہ  
دژ من ء باور بہ کنائین ایت کہ مارا مز نہیں کچے ء لشکر ء سپاہی گوں انت، ء برے برے ایشی حکم داگ کہ جنگی گرہ بانی لیٹاں چیز بہ بند  
ات داں مز نہیں پٹاں روان بنت گڑا پشت ء مزان مز نہیں دز چست بہ بیت ء دژ من سما بہ کنت کہ مز نہیں لشکرے دیم ء آھگ ء انت۔

اے دابیں نفسیاتی اُرشانی در و رسک باز انت ء آ و هدهء اوں نفسیاتی جنگ بو تگ ء انوگیس و هدهء اوں بوگ ء انت بلے گو ست ء جتائیں رنگ ء در و شتاں بو تگ انت ء انوگیس زمانگ ء جتائیں تہراں بوگ ء انت۔

نفسیاتی جنگانی نوکیں در و شم:

جنگانی رنگ ء در و شم دگنیاء لوٹ ء تہانی بنیات ء بدل بو ان انت، زکیں جنگ دگہ رنگاں کنگ بو تگ انت ء مروچی جنگانی تب ء لوٹ بدل بو تگ انت ء جنگی ترز ء کار ہم دگرد گر انت۔ گوں دگنیاء سیاسی ء روزگی جاورانی مٹ بوگ ء همبر اھی ء جنگی لوٹ ء تب ہم مٹ اتگ انت۔ دگنیاء ایدگہ چست ء ایرانی همبر اھی ء انوکیں کلنالوجی ء دیم ء آھگ ء سوب ء جنگی وڑ ء ڈول ہم مٹی ء نیمگ ء روگ ء بدل بو ان انت۔ گو ست ء نفسیاتی جنگ کمو جتائیں رنگ ء بو تگ انت بلے پدا اولی جہانی جنگ ء پد modern psychological warfare دیم ء کایت کہ انوکیں ء جتائیں رنگ ء کنگ بنت۔ چوناہا ہم اگاں نفسیاتی جنگانی اندر ء بدلی مئت ء ہر جاگہ ہماکیں در و شم ء کار مرز کنگ بہ بنت گڑا نفسیاتی جنگ وتی اندر ء مکم بوت نہ کن انت ء آجوانیں نفسیاتی پروشے دژ من ء سر ء دور دات نہ کن انت۔ نفسیاتی جنگ ہر جاگہ ء زمین ء راستی ء لوٹانی بنیات ء وتی وتی رنگ ء در و شتاں بدل کنت دانکہ دژ من ء ہبکی ء ہیرانی ء گوں پروش دات بہ کنت۔ بلے اولی جہانی جنگ کہ بیت گڑا دگنیاء جنگی جاور ء دگنیاء جنگی تب سر جمی ء مٹ ء بدل بنت، ہمے رنگ ء نفسیاتی جنگ گوں نوکیں کار ء رھبنداں دیماں کایت۔ اولی جہانی جنگ ء و هدهء پروپگینڈا ء سکس مز نین ارز شتے بیت ء چوناہا پروپگینڈا نفسیاتی جنگ ء جوانتریں بہراں چہ یک بہرے۔

• پروپگینڈا:

پروپگینڈا لبرزے در و شم ء اولی و هدهء ہبدمی کرن ء یک گلے ء نام ء چہ دیم ء کیت انت کہ آگل ء نام congregation

Congregation for propagation of the ایشی ء متلب ہمیش انت Ide propaganda fida

faith لے ایک چرچ کھیتو تک ء world wide تنظیمے بیت کہ ایشی ء کارلس مہلوک ء proselytise کنگ بیت۔ بزاں کہ مرداناں وتی دین ء آرگ۔ انچو شکہ اے تنظیم ء زمہ واری South America ء لس مہلوک ء وتی دین ء سرپد ء پوہ کنگ ء وتی دین ء آرگ بوتگ۔ پداہمے لبرپروپگینڈا دیہتر ء دگہ رنگ ء داب ء کارمرز بان بیت ء وتی مانا ء بزانت ء بدل کنان کنت۔

وہدے great Britain اولی جہانی جنگ ء دور کنت گڑا وتی مکد ء گرگ ء پروپگینڈا ء مزنیں ہدے ء کارمرز کنت۔

انچو کہ Prime minister Herbert Asquith یک Mechanism یے اڈدنت کہ آ British War Propaganda Bureau ء نام ء سر ء زانگ بیت کہ ایشی ء مول ء مراد لس مہلوک ء مک ء وتی نیمگ ء آرگ ء ہمالک کہ جنگ ء گون نہ انت بزاں neutral state انت آہان ء جنگ ء تہ ء مان دیگ ء برٹش ء نیمگ ء آرگ ہاسکر USA ء را۔ دیہتر ء برٹش وتی پروپگینڈا ء گیش شاہیگان کنگ ء دیہتر ء برگ ء مکم کنگ ء یک گدار نویسے دیہتر ء کاریت کہ آئی ء نام John Buchan بیت۔ اے مرد ء کار ہمیش بیت کہ وتی پروپگینڈا ء داں دژ من ء دیہتر ء سر کنگ ء تا مر جوڑ بہ کنت، چیز نبشتہ بہ کنت داں وتی مکد ء لس مہلوک ء دژ من ء جوانی ء گوں سر بہ کنت۔ ہمے رنگ ء برٹش دنیا ء را وتی پیگام ء تیزی ء گوں سر کنگ ء سوہمند بیت۔

بیت سال ء پد و ہدے Joseph Goebbels نازی پروپگینڈا ء سر ء کار کنت گڑا ہمو د ء چہ پروپگینڈا وتی مانا ء بدل کنت ء یک negative رنگ ء ہم دیہتر ء کیت کہ آ روج ء مروچی است انت۔ چوناھا Goebbels جرمن Philologist یے بوتگ ء نازی پارٹی ء Chief propagandist یے بوتگ۔ اے نازی پروپگینڈا ء روتاک، تا مر، ریڈیو ء پوسٹراں ہوار کتا بانی تہ ء ہم شنگ ء تالان کنت ء آ جرمنی ء مچ رساندر راں وتی پروپگینڈا ء سر کنگ ء سوہمند بیت۔ ایشانی مکد لس مہلوک ء پہ جنگ ء تیار کنگ بیت ء ہما تب ء لوٹ ء گوں اے چیزاں تالان کن انت ء لس مہلوک ء سر کن انت دانکہ لس مہلوک ہما رنگ ء چیزاں بہ چار انت کہ ہمارنگ ء ما ایشاں پیشدارگ لوٹ ایں۔

پروپگینڈا ء باز رنگ ء دروشم ء کار رہبند است انت چراھاں چہ یکے leaflets propaganda انت کہ اے یک نفسیاتی جنگ ء عملے، ایشی ء مکد لس مہلوک ء را وتی جنگ ء سرپد کنگ ء لس مہلوک ء میان ء وتی جنگ ء باور کنائینگ انت۔ ہمے زمانگ ء کہ امریکہ ء ویتنام ء جنگ جُزگ ء بیت گڑا امریکہ ویتنام ء country side آں (airborne leaflets) وتی aircraft آئی سر ء چہ پینتاک دور دنت دانکہ لس مہلوک کہ میتگاں نشینگ انت ترس آماچ بہ بنت ء مئے جنگ ء مک کہ کن انت۔ اے وڈیں ہنر تہنا امریکہ ء ویتنام ء سر ء نہ کنگ بلکیں دو می جہانی جنگ ء ہم کنگ بوتگ۔

نفسیاتی جنگ نفسیاتی اُرش انت دانکہ دژ من ء باور بہ کنائینگ انت کہ تو نزورے ء جاورانی سر ء مئے کٹرول انت انچو شکہ نوکیں نفسیاتی جنگانی تہ ء یک دگہ کارڈولے است انت کہ ہر جاگہ ء قبضہ کنگ ء پد آئی ء نام ء بدل کن انت چو کہ ویتنام ء جنگ ء و ہدے

کیونسٹ پارٹی Saigon شہر ءوتی گر ءدار ءکار کن انت ء جنگ ء باج بر انت گڑا Saigon شہر ء نام ء بدل کن انت Ho Chi Minh City ایر کن انت داں دژ من ء اے باور بہ کنائین انت کہ جنگ سر جم ء ما باج بر تگ ء دژ من ء حج سان اد ء پشت نہ کپتگ۔

## • سائی اوپس (Psyops)

نفسیاتی جنگ مارشائی سر ء ہم بیت کت کن انت چوشکہ پروپگینڈا، پاد تراب ء نفسیاتی جیڑھاں گوں دژ من ء مانگیشینگ۔  
نفسیاتی جنگ دژ من ء جگ ء جسد اں ہر دوئیناں کنزول ء بے وس کنت۔  
نفسیاتی آپریشن متلب کہ سائی اوپس یک نفسیاتی جنگے کہ ایشی ء متلب لشکری بنیات ء کار کنگ ء نفسیاتی جنگ ء را سو بمند کنگ انت۔  
جنگانی وھد ء انجین شور بندی ء tactic کار مرز کنگ کہ ابید ء چه مزین کس اسے ء جنگی ساز ء سامان ء دژ من ء کہ پیٹنگ ء پر و ش دیگ۔  
جنگانی وھد ء پے دژ من ء پر و ش دیگ ء جنگی ساز ء سامان باز در کار بیت بلے سائی اوپس انچو کنگ بنت کہ اود ء مالی تاوان کم بہ بیت ء مٹی پریشر ء کنزول گیش بہ بیت۔ چونانہا نفسیاتی جنگ ہم جتا ئیں رنگ ء در و ش اں کنگ بنت بلے ایشائی مول ء مراد دژ من ء جگ ء نفسیات ء سر ء اُرش کنگ انت دانکہ آرد بہ وارت ء ہبکہ ء ہیراں بہ بیت۔ سائی اوپس ء برین واشنگ ء یک در و شے ہم گش انت ایشی ء بنگلی مکسد دژ من ء انچش نگیلیانی آماچ کنگ ء بے وس ء لاچار کنگ کہ آجنگ ء کنگ ء دل بہ جنت۔

دومی جہانی جنگ ء وھد ء رپکاری ء سر ء جر منی ء بلائیں پر و شے امریکہ گوں وتی اتحادیاں دنت، اے زمانگ ء یورپ ء بازیں ملکہ نازی جر منی ء چیر دست بیت ء ہمے ماکانی تہ ء فرانس ہم ہوار بیت کہ آجر منی ء قبضہ ء بیت۔ 1944 ء زمانگ ء امریکہ گوں وتی اتحادیاں آپریشن کنت اتحادی ملک امریکہ، برٹش ء کینڈا بنت۔ اے آپریشن Operation Fortitude ء نام ء زانگ بیت کہ اے یک Military deception Operation یے بیت ء آپریشن ء Bodyguard ء بھرے بیت، رپکاری (Deception) نفسیاتی جنگ ء عملے ء جنگانی باج برگ ء تہ ء ایشی ء بلائیں دستے مان انت۔ Operation Fortitude رپکاری جنگے بیت ء ایشی ء مکسد ہمے بیت کہ نازی جر منی ء اے باور بہ کنائین ایت کہ یورپ ء Allied invasion نور منڈی ء نہ بیت دانکہ دژ من رد بہ وارت۔ جر منی چونانہا امیت داریت کہ اُرش Pas de Calais ء بیت۔ اے جاگہ پر نچ coast ء انت

بلے اسلہ اتحادیانی پندل نور منڈی آپریشن ۽ کنگ ۽ بیت گڑااش Operation Fortitude ۽ کن آنت داں نازی جر منی ۽ گیش همے رد گمانی ۽ تہ ۽ بیار آنت کہ اُرش Pas de Calais ۽ کنگ بیت۔ گڑاے ہرارانی کساس ۽ لیبوئی مز نیں جنگی ساز ۽ سامان همے جاگہ ۽ مچ کن آنت ۽ چٹ جنگی چا گردے جوڑ کن آنت چوشکہ نکلی (Decoy) ٹینک، ٹرک ۽ دگہ مز نیں جنگی ساز ۽ سامان کہ آ سرزاهر ۽ اسلی سادینت بلے اسلی نہ بنت۔ داں جر منی پکلبہ بیت کہ ایشانی ٹارگٹ Pas de Calais آنت ۽ اسلہ ۽ پد اجر منی همے وش پھمی ۽ آماج بیت ۽ وتی آرمی ۽ جنگی سلاہاں همے جاگہ ۽ پہ دژ من ۽ دیمداری ۽ واستہ وت ۽ ساڑی کنت، بلے پشت ۽ چہ اتحادی پائی سو بندی ۽ گوں وتی اسلہ ٹارگٹ Normandy ۽ انگیر کن آنت ۽ نازیاں چہ فرانس ۽ ایدگہ جر منی ۽ چیر دست کنگیں جاگہاں چہ در کن آنت۔ اد ۽ نازی جر منی بلائیں نفسیاتی پروشے وارت ۽ زور تربیت۔ بازو ہد ۽ مز ن مز نیں تاگتانی دیم ۽ اوں نفسیاتی اُرش داشت کن آنت ہمیشہ جنگانی تہ ۽ نفسیاتی جنگاں بلائیں آرزشتہ است آنت۔

آسر:

چوناہا نفسیاتی جنگ ۽ تہ ۽ مچی ۽ جذباتی میڑے است کہ آجسدی جنگ ۽ چہ جتایت۔ نفسیاتی جنگانی جتائیں رھنداں چہ یک رھبندے چوشکہ پروپیگنڈا ۽ ترسناک پاد تراپ آنت کہ چرایاں چہ دژ من شش ۽ پنج ۽ تہ ۽ بیت ۽ نیم آماج بیت۔ نفسیاتی جنگ ۽ چہ دژ من مچی ۽ جسدی دروشم ۽ دست ۽ چیر ۽ اتک کنت، دژ من ۽ دیم ۽ چچکلیں مز نیں تاگتے است آنت گڑا آئی ۽ وت ۽ رادو ۽ ہمنچو پیشداری آنت دانکہ نفسیاتی دروشم ۽ لاچار بہ بیت کہ همے تاگت ۽ راپہ وت ۽ سردردے سر پد بہ بیت۔ ایشی ۽ ہاتر ۽ دژ من ہما جاگہ ۽ جنگی آنت کہ اود ۽ چہ ہچ اُمت مہ داریت چوشکہ شھرانی تہ ۽ وتی جوڑ کنگیں مکمیں ۽ بخلانی تہ ۽ کہ دژ من ۽ سر ۽ اُرش بیت گڑا چریشاں چہ دژ من نفسیاتی جوڑ بوت کنت۔

مرچیکیں بلوچ ۽ جنگ ۽ نفسیاتی چست ۽ ایرانی وانگ ۽ رند سما بیت کہ بلوچ وتی جنگ ۽ رانفسیاتی کنگ ۽ جتائیں کارڈول کارمرزگ ۽ آنت امریکہ ۽ گوٹگیں کرنل لارنس سیلن کہ امریکہ ۽ پزور ریٹارڈ کرنے گڑا آ مجید برگیڈ ۽ کراچی ۽ چینی کونسل ۽ سر ۽ کنگیں و نیل ۽ بابت ۽ گشیت کہ اے اُرش کسانیں کچے ۽ کنگ بوتگ، اے اُرش ویتنام ۽ tet offensive آئی رنگ ۽ آنت کہ ایشی ۽ بلائیں نفسیاتی سان بنت۔ ٹیٹ او فینسو ہما اُرش بنت کہ ویتنام امریکہ ۽ ہلاپ ۽ یکیں روچاں سد ۽ چہ گیشتر جاگہ ۽ مز ن مز نیں اُرش کنت اے اُرش ویتنام ۽ بند پتر ۽ بدل کن آنت۔ دژ من ۽ اے وڑیں اُرش نفسیاتی رنگ ۽ پروش دنت کہ آئی ۽ سماول نہ بیت کہ من ۽ آد ۽ ہم جت کت کت۔

نفسیاتی جنگ ہما و ہدء شوکیں وڑے ء سو بمند بوت کن آنت و ہدے تی جیڑگ ء مارگ ء کچ ء کس اس پراہ ء شاہیگان بہ بیت، تی گور ء باسائیں ء پالیسی سازیں مردم بہ بیت کہ آکم و سائلاں گوں دژ من ء راگیشتر تاوان دات بہ کنت۔ نفسیاتی جنگ ء اولی ء گڈی مول ہمیش انت کہ وتی مہلوک ء راوتی بھر کنگ ء ہوار دژ من ء را انچیں تاگتے باور کنائنگ کہ آچہ تو اے امیت ء ہچبر داشت کتہ مہ کنت۔ اگاں مروچی بلوچ جنگ ء دروزورگ بہ بیت گڑ اسمابیت کہ بلوچ ء وتی جنگ ء دروشم نفسیاتی کنگ ہمیشکہ دژ من ء سر پر بوگ ء نہ انت کہ آکچاچہ جنگ بوگ ء انت، آئی ء را کئے جنگ ء انت ء کجاروگ ء انت یا کہ ماں رسائندر ء بلوچ ء وتی بیانیہ ء را دیم ء آؤرتگ ء دژ من ء را ترس آماج کنگ ء پہ جتائیں دروشمے ء پر و پکینڈا ء ٹولزاں کار مرز کنگ ء انت۔ پہ دروزورکیں و ہدء زالبولیں سر مچارانی آکسکانی شنگ کنگ ء کلوه ء پیگام ہمیش انت کہ ماستریں کارے ء نیمگ ء روگ ء شت کتہ کنیں یا کہ لیڈر شپ ء نیمگ ء تچک ء چائینہ ء وڑیں تاگتاں چیلنج کنگ ء ایدگہ دومی سیمی کار ہم ہوار انت۔ اے سر جمیں کارانی مستریں لوجک دژ من ء را نفسیاتی جوڑ کنگ انت ء بلوچ مروچی سرجمی ء گوں دژ من ء نفسیاتی جنگ ء نیمگ ء شنگ۔ ہمے پیم ء دژ من اول پہ بلوچ بجز ء نزور کنائنگ ء نفسیاتی جنگ ء کار مرزگ ء انت۔ لس مہلوک ء چہ جنز ء گستا دارگ ء سافٹ پاور ء بنیات ء جتائیں تب ء ذہنیت جوڑ کنگ ء انت کہ آبلوچ ء ہچ در دء دوا نہ انت۔ دومی نیمگ ء ہارڈ پاور ء رنگ ء ہمک روچ جنگ ء شنگ ء انت دانکہ بلوچ ترس ء آماج بہ بیت ء جنگ ء بھر مہ بیت بلے دژ من بلے اے نفسیاتی جنگ بلوچ جہد ء ر ہشونان پیم اتگ انت ء جنگ ء را نفسیاتی جنگ ء تہ ء بدل کنگ ء پہ جوانیں دروشمے ء کار کنگ ء انت۔ بلے نفسیاتی جنگ ء اندر ء انگت گیشیں شدت ء نوکی آرگ لوٹ ایت۔ اے شدت ء نوکی انچیں بہر ء باگی دژ من ء اندر ء پیدا کہ بہ کن انت کہ آئی ء مہلوک ء بگردانکہ آئی ء سپاہیگ ہم ممانگ ء نفسیاتی جیڑہ ء ہم آماج بہ بنت۔ اے درستیں کاریک شریں لیڈر شپ ء زانکارانی دور چاریں عمل ء پالیسی سازی ء برورد ء چہ اتک کتہ کنت ء انوگیں و ہدء مستریں لوٹاں چہ یکے۔